



Cuir Chuige don Machnamh

CINEÁL NA CUMARSÁIDE	CUIR CHUIGE	NATHANNA MACHNAIMH FÉIDEARHTHA
<p>Múinteoir/ Scoláire</p> <p>Trasna na Tairsí</p> <p><i>Straitéis imeachta</i> is ea í seo. Cuireann an múinteoir ceist ar na scoláirí sula bhfágann siad an seomra nó iarrann sé orthu nóta gairid a scríobh ar post-it a chrochann siad ar an doras ar an mbealach amach dóibh</p>	<p>Trasna na Tairsí</p> <p><i>Spreagthach an mhúinteora:</i> Cad a d'fhoghlaim tú sa rang inniu? / Céard é an rud is mó a thaitin leat sa rang inniu?</p> <hr/> <p>Aidhm phearsanta amháin atá agat tar éis an cheachta seo?</p>	<ul style="list-style-type: none"> D'fhoghlaim mé cúig fhocal nua sa rang seo. Tá mé in ann cur síos a dhéanamh ar thréithe carachtair anois. Inniu fuair mé amach conas daoine a chomhaireamh. Rinne mé iarracht stór focal nua a úsáid in obair bheirte le mo pháirtí. <hr/> <ul style="list-style-type: none"> Mar obair bhaile, táim chun an stór focal nua a scríobh i mo loga foghlama. Ba mhaith liom a thuilleadh a fhoghlaim faoi seo amárach. Tá mé chun na briathra san aimsir chaite a chleachtadh arís.
<p>Múinteoir/ Scoláire</p> <p>Soilse Tráchtá</p> <p>Iarrann an múinteoir ar na scoláirí a léiriú dó/di an dtuigeann siad an méid a rinneadh sa rang: Glas = Thuig go maith; Oráiste = Thuig mé cuid de; Dearg = Níor thuig mé é</p>	<p>Soilse Tráchtá</p> <p><i>Spreagthach an mhúinteora:</i> An dtuigeann tú an méid a rinneamar sa rang inniu?</p> <hr/> <p>Aidhm phearsanta amháin atá agat tar éis an cheachta seo?</p>	<ul style="list-style-type: none"> Tá mé iomlán cinnte conas an aimsir láithreach a úsáid anois. Tuigim go maith an rud a rinne an múinteoir linn. Bhí sé éasca dom. Tá mé an-sásta mar tuigim conas... Nílím iomlán cinnte faoi. Bhí cuid de deacair dom. Níor thuig mé gach rud a rinneamar inniu. Tá mearbhall orm anois. <hr/> <ul style="list-style-type: none"> Ba mhaith liom dul tríd arís chun é a thuiscint níos fearr. Cuirfidh mé ceist ar an múinteoir faoi amárach. Tá fúm é a chleachtadh chun a bheith níos cinnte faoi.
<p>Múinteoir/ Scoláire</p> <p>Clár Bán Bídeach</p> <p>Úsáideann an scoláire an clár beag bán (ag baint leasa as scríbhneoireacht mhór) chun eolas/aiseolas nó tuairim a chur in iúl nó chun ceist a chur – is bealach simplí agus tapaidh é dul chun cinn an scoláire a fheiceáil.</p>	<p>Clár Bán Bídeach</p> <p><i>Spreagthach an mhúinteora:</i></p> <p>Mar shampla: Cén tslí bheatha atá ag ...? Cén cineál duine é an carachtar seo? Éist leis an amhrán agus breac síos na focail a aithníonn tú.</p> <hr/> <p>Aidhm phearsanta atá agat tar éis an cheachta seo?</p>	<p><i>I gcás an spreagthaigh ar chlé, seans go mbeadh na freagraí seo a leanas i gceist:</i></p> <ul style="list-style-type: none"> Is siúinéir, altra, meicneoir é/í. Is duine gruama, greannmhar ...é/í. San amhrán ar éist mé leis, d'aithin mé na focail seo a leanas... <hr/> <ul style="list-style-type: none"> Caithfidh mé staidéar a dhéanamh ar... Teastaíonn cabhair uaim le... B'fhearr liom dá mbeadh stór focal breise agam chun cur síos ar níos mó tréithe / slite beatha.



<p>Scoláire/ Scoláire</p> <p>Obair Bheirte Tugann obair bheirte deis labhartha do gach duine sa rang ag an am céanna agus cuireann sé leis na deiseanna smaointeoireachta/machnaimh atá ag scoláirí.</p>	<p>Obair Bheirte</p> <p><i>Spreagthach an mhúinteora:</i> Cad iad na nathanna atá de dhíth chun cur síos ar an obair bheirte</p> <hr/> <p>Aidhm phearsanta atá agat tar éis an cheachta seo?</p>	<ul style="list-style-type: none"> • Chuir mo chara ceist orm. • D'fhreagair mé é/í • Thug mo pháirtí nod dom. • Phléamar X lena chéile. • Roinneamar X lena chéile. • Spreag mo chara mé chun... • Ar dtús bhí mé ag brath ar mo chara ach d'fhoghlaim mé go raibh ... • Thugamar spreagadh dá chéile agus • Rith sé liom go raibh... <hr/> <p>Osclóidh mé rannán nua i mo loga foghlama ag plé obair bheirte.</p>
<p>Scoláire/ Scoláire</p> <p>Obair Ghrúpa Bristear an rang i ngrúpaí agus tugtar ról faoi leith do gach duine laistigh den ghrúpa. Tagann feabhas ar scileanna éisteachta agus idirghníomhaithe na scoláirí dá bharr.</p>	<p>Obair Ghrúpa</p> <p><i>Spreagthach an mhúinteora:</i> Cad iad na smaointe a rith libh agus sibh ag obair le chéile? An féidir libh iad a roinnt le chéile?</p> <hr/> <p>Aidhm phearsanta amháin atá agat tar éis an cheachta seo?</p>	<ul style="list-style-type: none"> • Ghlac mé ról an chathaoirligh/urlabhraí/chumadóra/tuairisceora/mhaoir ghramadaí. • D'éirigh go maith linn sa tasc. • Bhí gach duine páirteach san obair. • Chuir ... ag smaoineamh mé. • Chuidigh na critéir ratha linn díriú isteach ar an tasc. • Cheap mé go raibh tuairim X spéisiúil. • Chríochnaíomar in am. • Roinn mé mo thuairim leis an ngrúpa • D'aontaigh mé le... / níor aontaigh mé le... <hr/> <ul style="list-style-type: none"> • Ní mór dúinn idirghníomhú níos fearr lena chéile. • Amach anseo, ba bhreá liom ról nua a ghlacadh. • An chéad uair eile táim chun rud éigin a rá / páirt níos gníomhaí a ghlacadh
<p>Féinmheasúnú</p> <p>3-2-1</p> <p>Trí rud a d'fhoghlaim mé. Dhá rud ar chuir mé spéis iontu. Rud amháin gur gá dom díriú air.</p>	<p>3-2-1</p> <p><i>Spreagthach an mhúinteora:</i> Breac síos trí nath/smaoineamh nua, dhá rud spéisiúil agus pointe amháin eile nach bhfuilim cinnte de go fóill</p> <hr/> <p>Aidhm phearsanta amháin atá agat tar éis an cheachta seo?</p>	<ul style="list-style-type: none"> • D'fhoghlaim mé (faoi)... • Fuair mé amach faoi X agus tuigim anois... • Chuir mé le mo scileanna ríomhaireachta/taighde. • Bhain mé taitneamh as... • Tá spéis as an nua agam i.... • Mhottaigh mé ar bís faoi ... • Is gá dom díriú ar an gcopail 'is'. <hr/> <ul style="list-style-type: none"> • Teastaíonn cabhair / cúnamh uaim le... • Úsáidfidh mé struchtúr a chuala mé sa scannán i mo chuid oibre féin.
<p>Críochnaigh an abairt</p> <p>Tugann an múinteoir tús abairte do scoláirí chun iad a chur ag machnamh ar a gcuid foghlama.</p>	<p>Críochnaigh an abairt</p> <p><i>Spreagthach an mhúinteora:</i> Críochnaigh an abairt chun an rud a d'fhoghlaim tú a chur in iúl</p> <hr/> <p>Aidhm phearsanta amháin atá agat tar éis an cheachta seo?</p>	<ul style="list-style-type: none"> • An rud ba thábhachtaí / shuimiúla a d'fhoghlaim mé ná... • Ceist atá agam faoin tasc ná... • Bhain/níor bhain mé sult as seo a fhoghlaim mar... • Scil a d'úsáid mé ná... • Rud deacair faoin tasc ná... • Rud a chabhraigh liom foghlaim ná... • Chuideodh sé liom dá... • Nasc a chothaigh mé leis an bpobal teanga ná... <hr/> <ul style="list-style-type: none"> • Cabhraíonn tús abairte liom struchtúr a chur ar mo chuid smaointe